



U skladu sa Zakonom o posredovanju u zapošljavanju i socijalnoj sigurnosti nezaposlenih osoba („Službene novine Federacije BiH“, br. 41/01, 22/05 i 9/08), Projektom sufinansiranja zapošljavanja i samozapošljavanja djece šehida/poginulih branitelja 2021, Odlukom Upravnog odbora Federalnog zavoda za zapošljavanje broj: 01/1-45-4146/21 od 22.06.2021. godine, Odlukom Vlade Zeničko-dobojskog kantona broj: 02-11-10453/21 od 26.07.2021. godine i Sporazumom o međusobnoj saradnji u realizaciji Projekta sufinansiranja zapošljavanja i samozapošljavanja djece šehida/poginulih branitelja 2021, JU Služba za zapošljavanje Zeničko-dobojskog kantona, objavljuje:

JAVNI POZIV

za učešće u Projektu sufinansiranja zapošljavanja i samozapošljavanja djece šehida/poginulih branitelja 2021

Za realizaciju Projekta sufinansiranja zapošljavanja i samozapošljavanja djece šehida/poginulih branitelja 2021, predviđena su sredstva u iznosu od 200.000,00 KM, od kojih 100.000,00 KM osigurava Zavod, a 100.000,00 KM Vlada ZDK. Izrazi u ovom dokumentu koji su napisani samo u jednom rodu odnose se podjednako i na muški i na ženski rod.

1. CILJ PROJEKTA

Projekt se realizuje s ciljem zapošljavanja i samozapošljavanja djece šehida/poginulih branitelja, koja se nalaze na evidenciji Službe dan prije zaključivanja ugovora o radu sa poslodavcem (zapošljavanje), a u slučaju pokretanja vlastite djelatnosti, osobe koje se nalaze na evidenciji bez obzira na stepen obrazovanja i starosnu dob.

2. KORISNICI

2.1. Poslodavci

Pravo učešća u Javnom pozivu imaju poslodavci koji imaju registrovanu djelatnost na području Federacije Bosne i Hercegovine, koji redovno izmiruju obaveze po osnovu poreza, doprinosa i javnih prihoda ili koji sa Poreznom upravom Federacije BiH imaju potpisan Sporazum o odgođenom plaćanju duga po osnovu javnih prihoda.

U Projektu ne mogu učestvovati:

- poslodavci koji su koristili kreditna ili bespovratna sredstva iz poticajnih mjera Zavoda/Službe, a nisu ispoštovali obaveze u skladu sa zaključenim ugovorima
- poslodavci koji ne izmiruju redovno obaveze po osnovu poreza, doprinosa i javnih prihoda ili koji nemaju sa Poreznom upravom Federacije BiH potpisan Sporazum o odgođenom plaćanju duga po osnovu javnih prihoda.
- poslodavci evidentirani u Registru novčanih kazni zbog duga neplaćenih novčanih kazni i troškova postupka, jer sa radnikom nisu zaključili ugovor o radu (rad na crno).

2.2. Nezaposlene osobe

Ciljna grupa su osobe iz kategorije djece šehida/poginulih boraca sa završenim VSS, SSS i NK prijavljene na evidenciju nezaposlenih kantonalnih/županijskih službi u FBiH dan prije zaključivanja ugovora o radu s poslodavcem (zapošljavanje), u slučaju pokretanja vlastite djelatnosti, osobe koje se nalaze na evidenciji bez obzira na stepen obrazovanja i starosnu dob, kao i osobe koje su bile zaposlene po programima iz prethodnih godina, ali ne duže od tri godine.

U Projektu ne mogu učestvovati osobe koje su objavile djelatnost/društvo u periodu od šest (6) mjeseci prije apliciranja.



3. POTICAJNA MJERA I NAČIN SUFINANSIRANJA

Projektom je za osobe iz ciljne grupe, kojima se sufinansira zapošljavanje određeno sufinansiranje dijela troškova obaveznih doprinosa i dijela neto plaće u iznosu od 600,00 KM mjesečno po osobi za SSS i NK, te iznos od 800,00 KM mjesečno za osobe u VSS do dvanaest (12) mjeseci.

Nezaposlene osobe iz ciljne grupe sa kojima se zaključi ugovor o sufinansiranju samozapošljavanja bez obzira na vrstu djelatnosti/društvo, ostvaruju pravo na poticajna sredstva od 800,00 KM mjesečno na period do dvanaest (12) mjeseci.

Ukoliko korisnik u okviru pokrenute djelatnosti/društva, osim sebe zaposli i neku drugu osobu prijavljenu na evidenciju nezaposlenih iz ciljne grupe, mjesečno će mu se isplaćivati/refundirati sredstva dijela neto plaće u iznosu od po 600 KM po osobi za SSS i NK, te iznos od 800,00 KM po osobi sa VSS u trajanju do šest (6) mjeseci.

4. JAVNI POZIV

Služba objavljuje Javni poziv za učešće u Projektu putem internet stranice Službe: www.zdk-szz.ba, internet stranice Vlade ZDK: www.zdk.ba, koji ostaje otvoren do utroška sredstava.

Zainteresovani poslodavci i nezaposlene osobe se prijavljuju na Javni poziv popunjavanjem prijave (aplikativnog obrasca) na Projekat, koji će biti dostupan na internet stranici Službe: www.zdk-szz.ba i na internet stranici Vlade ZDK: www.zdk.ba.

Poslodavci su, prilikom prijave na Javni poziv, dužni dostaviti sljedeću dokumentaciju Službi putem općinskih biroa rada:

- popunjenu, potpisanu i ovjerenu Prijavu - aplikativni obrazac
- kopiju ugovora o otvaranju transakcijskog računa
- Uvjerenje o izmirenim obavezama po osnovu poreza, doprinosa i javnih prihoda (original ili ovjerenu kopiju ne stariju od tri (3) mjeseca).

Nakon uspješne kontrole ispunjavanja uslova iz Javnog poziva, Služba obavještava poslodavca da u roku od 15 dana dostavi sljedeću dokumentaciju putem općinskih biroa rada:

- kopiju ugovora o radu za osobu koja se zapošljava
- kopiju prijave na obavezna osiguranja u Poreznoj upravi FBiH – obrazac JS 3100
- uvjerenje nadležne općinske službe za boračko-invalidsku zaštitu o statusu člana porodice, tj. djetetu šehida/poginulog branioca za osobu koja se zapošljava (original ili ovjerenu kopiju ne stariju od tri (3) mjeseca).

Organi uprave i druge institucije koje posluju preko trezora, umjesto Uvjerenja Porezne uprave, dostavljaju dokaz da posluju trezorski.

Nezaposlene osobe koje se samozapošljavaju, prilikom prijave na Javni poziv, dužne su dostaviti sljedeću dokumentaciju Službi putem općinskih biroa rada:

- popunjenu i potpisanu Prijavu - aplikativni obrazac
- uvjerenje nadležne općinske službe za boračko-invalidsku zaštitu o statusu člana porodice, tj. djetetu šehida/poginulog branioca za osobu koja se samozapošljava (original ili ovjerenu kopiju ne stariju od tri (3) mjeseca).

Odmah nakon uspješne kontrole ispunjavanja uslova iz Javnog poziva, Služba obavještava nezaposlenu osobu da u roku od 30 dana dostavi sljedeću dokumentaciju putem općinskih biroa rada:

- ovjerenu kopiju rješenja o registraciji djelatnosti
- kopiju Uvjerenja o poreznoj registraciji (ID broj)
- kopiju prijave na obavezna osiguranja u Poreznoj upravi FBiH – obrazac JS 3100



- kopiju ugovora o otvaranju transakcijskog računa
- kopiju ugovora o radu za osobu koja se zapošljava
- kopiju prijave dodatne osobe koja se zapošljava na obavezna osiguranja u Poreznoj upravi FBiH – obrazac JS 3100

5. POTPISIVANJE UGOVORA

Služba provjerava dokumentaciju, te ukoliko je poslodavac dostavio nepotpunu ili dokumentaciju koja nije odgovarajuća/validna, odnosno ako se ustanovi da redovno ne uplaćuje doprinose ili kada je evidentiran u Registru novčanih kazni zbog duga neplaćenih novčanih kazni, ili nije ispoštovao obaveze u skladu sa ranije zaključenim ugovorima o sufinansiranju zapošljavanja, obavještava poslodavca o eventualnoj potrebi dopune dokumentacije u ostavljenom roku, odnosno o razlozima nepotpisivanja ugovora.

Ukoliko je dokumentacija potpuna i validna, zadovoljavajuća/odgovarajuća, Služba priprema tri (3) primjerka ugovora koje potpisuje poslodavac, odnosno osoba koja se samozapošljava, Služba i Ministarstvo. Nakon što sve tri ugovorne strane potpišu ugovor, svaka od ugovornih strana zadržava po jedan (1) primjerak istog.

6. PRAVDANJE I ISPLATA ODOBRENIH SREDSTAVA

Nakon potpisivanja ugovora, poslodavci kojima se odobre sredstva obavezni su, najdalje do kraja mjeseca za protekli mjesec, dostavljati Službi putem općinskih biroa rada:

- specifikacije uz isplatu plaća zaposlenika u radnom odnosu kod pravnih i fizičkih lica (Obrazac 2001) ovjerene u Poreznoj upravi FBiH
- specifikacije uz uplatu doprinosa poduzetnika sa prebivalištem u FBiH (Obrazac 2002), ukoliko poslodavac iste predaje Poreznoj upravi FBiH
- potpisane i ovjerene platne liste sufinansirane osobe od strane poslodavca i od strane te osobe
- u slučaju pojedinačne isplate plaće, kopiju uplatnice za pojedinačnu isplatu plaće
- u slučaju zbirne isplate plaće, kopiju izvoda iz banke iz koje je vidljiva isplata zbirne plaće, kao i kopiju spiska plaća koji se dostavlja banci, a na kojem će biti navedena sufinansirana osoba.

Samo na osnovu uredno dostavljene i potpune dokumentacije ugovoreni iznos se refundira.

Odmah nakon potpisivanja ugovora, nezaposlena osoba koja se samozapošljava, a kojoj se odobre sredstva obavezna je, sve do isteka ugovornog odnosa, mjesečno, a najkasnije do kraja mjeseca za protekli mjesec, dostavljati Službi putem općinskih biroa rada:

- specifikacije uz uplatu doprinosa poduzetnika sa prebivalištem u FBiH (Obrazac 2002) ovjerene u Poreznoj upravi FBiH u slučaju registracije obrta
- specifikacije uz isplatu plaća zaposlenika u radnom odnosu kod pravnih i fizičkih lica (Obrazac 2001) ovjerene u Poreznoj upravi FBiH u slučaju registracije privrednog društva
- potpisane i ovjerene platne liste dodatne sufinansirane osobe od strane poslodavca i od strane te osobe
- u slučaju pojedinačne isplate plaće, kopiju uplatnice za pojedinačnu isplatu plaće
- u slučaju zbirne isplate plaće, kopiju izvoda iz banke iz koje je vidljiva isplata zbirne plaće, kao i kopiju spiska plaća koji se dostavlja banci, a na kojem će biti navedena dodatna sufinansirana osoba.

Samo na osnovu uredno dostavljene i potpune dokumentacije ugovoreni iznos se refundira.

6. OPĆE ODREDBE

U pogledu zaključivanja, trajanja i raskida ugovora o radu i drugih situacija analogno se primjenjuju sljedeća pravila:

- u slučaju raskida ugovora o radu, poslodavac može u roku od petnaest (15) dana od dana nastanka okolnosti za preostali period ugovorene obaveze zaključiti ugovor o radu sa drugom (zamjenskom) nezaposlenom osobom iz ciljne grupe koja mora biti na evidenciji nezaposlenih najmanje dan ranije u odnosu na dan zaključivanja ugovora o radu. Poslodavac je, prilikom narednog mjesečnog pravljanja, dužan dostaviti



Službi dokaze (kopiju otkaza ugovora o radu za prvozapostlenu osobu, kopiju ugovora o radu sa zamjenskom osobom, kopiju odjave za prvozapostlenu osobu, te kopiju prijave za zamjensku osobu na obavezna osiguranja u Poreznoj upravi Federacije BiH – obrazac JS 3100);

- u slučaju nezaključivanja ugovora o radu sa drugom (zamjenskom) nezaposlenom osobom, Služba će obračunati i refundirati do tada opravdani iznos sredstava za osobu s kojom je raskinut ugovor o radu, a za eventualne ostale osobe čije se zapošljavanje sufinansira kod tog poslodavca nastaviti će se postupanje u skladu sa zaključenim ugovorom;
- u slučaju nastupanja okolnosti da je osoba čije se (samo)zapošljavanje sufinansira privremeno spriječena za rad duže od 42 dana ili koristi porodiljsko odsustvo, poslodavac za taj period isplaćuje iznos u visini razlike ugovorenog sufinansiranog iznosa ako je za isti dostavio pravdanje i iznosa koji se refundira od nadležnog organa radi izbjegavanja eventualne duple naplate;
- u slučaju mijenjanja bilo kakvih okolnosti koje utječu na realizaciju ugovora, korisnik je obavezan u roku od osam (8) dana o tome obavijestiti pismenim putem Službu.

Tekst Projekta i Aplikativni formulari se objavljuju na internet stranicama Službe: www.zdk-szz.ba i Vlade ZDK: www.zdk.ba.

Prijave na Javni poziv sa potrebnom dokumentacijom se dostavljaju u Službu putem nadležnih općinskih biroa rada sa naznakom „Prijava za učešće u Projektu sufinansiranja zapošljavanja i samozapošljavanja djece šehida/poginulih branitelja 2021“ ili direktno na adresu Službe: Adolfa Goldbergera 6, Zenica.

Javni poziv ostaje otvoren do utroška sredstava.